



Broj: 05-45-1-2046/2022
Maglaj, 01.11.2022. godine

FEDERACIJA BOSNE I HERCEGOVINE
OPĆINA MAGLAJ
Služba za boračko-invalidsku i socijalnu zaštitu
opću upravu i društvene djelatnosti

PRIMLJENO	02.11.2022.		
Org. jedinica	Klasif. oznaka	Redni broj	Broj prijava
		7850	

OPĆINSKO VIJEĆE

PREDMET: Odgovor na vijećničko pitanje vijećnika Senada Šehića.

Veza-Vaš akt broj: 02-04-1-2011/22 od 24.10.2022. godine.

Poštovani,

Dana, 26.10.2022. godine Služba za urbanizam, geodetske i imovinsko-pravne poslove Općine Maglaj zaprimila je vijećničko pitanje sa 20. redovne sjednice Općinskog vijeća Maglaj, održane dana 24.10.2022.godine, a koje se odnosi na pojašnjenje šta Općina Maglaj konkretno radi na rješavanju problema uklanjanja i zbrinjavanja pasa litalica na području općine Maglaj.

Dana, 28.12.2021. godine na sjednici Općinskog vijeća Maglaj usvojen je Budžet/Proračun Općine Maglaj za 2022. godinu, kojim su na poziciji 613 328 predviđena sredstva u iznosu od 18.000,00 KM za usluge zbrinjavanja pasa litalica.

Na osnovu iskustava iz prethodnih godina i u cilju što kvalitetnijeg zbrinjavanja pasa litalica i napuštenih pasa, Općina Maglaj je dana, 18.04.2022. godine raspisala Javni poziv za iskazivanje interesa za zbrinjavanje pasa litalica u urbanim sredinama općine Maglaj, broj: 06-45-1-897/22, koji je objavljen na web stranici Općine Maglaj i oglasnoj ploči Općine Maglaj.

U ostavljenom roku pristigla je samo jedna ponuda od Udruženja za zaštitu životinja „Životinjsko carstvo“ Tešanj, koje je ponudilo Općini Maglaj Projekat zbrinjavanja pasa litalica u urbanim sredinama općine Maglaj za 2022. godinu.

Općina Maglaj, imajući u vidu odredbe Zakona o zaštiti i dobrobiti životinja („Službeni glasnik BiH“ broj 25/09) a u cilju prevencije širenja bjesnila i drugih zaraznih bolesti koje mogu prouzrokovati psi litalice i napušteni psi, te sigurnosti i zaštite svojih građana, prihvatila se finansiranja Projekta zbrinjavanja pasa litalica u urbanim sredinama općine Maglaj za 2022. godinu, u skladu sa raspoloživim sredstvima u Budžetu/Proračunu Općine Maglaj za 2022. godinu, koja su planirana za ovu namjenu.

Na osnovu svega navedenog Općina Maglaj je dana, 26.04.2022. godine potpisala Ugovor o sufinansiranju Projekta zbrinjavanja pasa litalica u urbanim sredinama općine Maglaj za 2022. godinu sa Udruženjem za zaštitu životinja „Životinjsko carstvo“ Tešanj, čime navedeno Udruženje ima obavezu hvatanja i odvoženja pasa litalica i napuštenih pasa u sklonište za životinje iz urbanog područja općine Maglaj sve do 26.04.2023. godine.

Predstavnici Udruženja, u dogovoru sa predstavnikom Općine koji prati realizaciju navedenog Projekta, minimalno jednom sedmično obilaze urbano područje općine Maglaj a u zadnje vrijeme i češće, sve u zavisnosti od potrebe i prijave građana.

U proteklom periodu smo imali povećan broj prijava pojave pasa lotalica i napuštenih pasa i u ruralnim područjima općine Maglaj i tom prilikom sa predstavnicima Udruženja za zaštitu životinja „Životinjsko carstvo“ Tešanj obavljen je razgovor, nakon čega su nam oni izašli ususret i u skladu sa svojim mogućnostima obilazili i ta ruralna područja i hvatali i odvozili uhvaćene pse lotalice ali i napuštene pse u sklonište za životinje.

Sa predstavnicima mjesnih zajednica, odakle su stizale prijave o čoporima pasa, takođe su obavljeni razgovori o tome da pomognu predstavnicima Udruženja pri hvatanju pasa lotalica i napuštenih pasa u svojim mjesnim zajednicama jer bolje poznaju teren ali je to dosad rijetko bilo uspješno jer psi se konstantno kreću i teško ih je zadržati na jednom mjestu.

Napominjemo da Udruženje za zaštitu životinja „Životinjsko carstvo“ Tešanj nije bilo zainteresovano za izmjenu Ugovora u smislu da se sfera djelovanja proširi i na ruralna područja iz razloga jer se njihovi uposlenici smiju kretati samo po javnim saobraćajnim površinama a s obzirom da se psi uglavnom kreću po šumama i između kuća gdje ih mještani hrane tj. na površinama koje su privatno vlasništvo, uposlenici zbog toga ne bi bili u mogućnosti kretati se niti pronaći, uhvatiti i odvesti pse lotalice i napuštene pse u sklonište za životinje sa tih područja i time bi realizacija Ugovora bila upitna.

Takođe u zadnje vrijeme imamo i povećan broj usmenih prijava građana na neadekvatno držanje pasa u kolektivnim stambenim objektima (zgradama) ali i pojedinačnim stambenim objektima, na način i u uslovima kakvi nisu propisani zakonom, čime se ugrožava bezbjednost stanara i prolaznika. Tim povodom pismeno smo se obratili Policijskoj stanici Maglaj sa molbom da ukoliko zaprime prijave građana u vezi sa ovom tematikom, odmah pošalju svoje predstavnike na lice mjesta i kopije zapisnika sa eventualnom prijavom prosljede Općini Maglaj i nadležnoj inspekcijskoj službi na dalje postupanje.

Ističemo da veliki problem sa navedenom tematikom pravi stanovništvo, kako iz Maglaja tako i iz susjednih općina, jer pse udome, brinu se, hrane i kada psi odrastu i postanu teret puste ih na ulicu i tako konstantno vidamo na ulicama napuštene pse sa ogrlicama, koji se dovoze i iz susjednih općina. Oni se takođe odvoze u sklonište za životinje a dešavalo se da vlasnici traže i povrat svog psa iz skloništa, što se često i omogući ali uz evidenciju i upozorenje za dalje praćenje.

Iz svega navedenog proizilazi da Služba za urbanizam, geodetske i imovinsko-pravne poslove Općine Maglaj prati realizaciju Projekta, konstantno rješava i nastaviti će rješavati probleme koji se pojavljuju u vezi uklanjanja i zbrinjavanja pasa lotalica i napuštenih pasa, naravno u skladu sa svojim mogućnostima i nadležnostima.

S poštovanjem!

Obradivač: Jasmina Alić

DOSTAVLJENO:

1. Naslovu
2. a/a



POMOĆNIK OPĆINSKOG NAČELNIKA
PO OVLAŠTENJU
Nedžad Čatić